


Te nika'ān nelu ki nikuu ja nindytatu
ti in ti:

—Nanu'u ndo chi ja nikuu dava nduu
note ani'i ka ndo dita kaxi ndo.


Te ninatiin ti ichi kunu'u ti nuve'e ti.

Du'a niya'a uu ina xika' yuku ido.



Uu ina xika' yuku ido

Ndekú uu ina iyo vii xito' ta'an te iin
ti kuu' nelu te inka ka ti kuu' chikua te
iyo ne'e iin nduu nidąka'an ta'an ti in ti ja
ki'ın ti yuku ido du'a Yuu-nuya'nda chi
tekú ti ja yukan iyó kua'a ido.



Te nitjin ti in ti ichi kua'an ti te ore ja
nixee ti Kandee-toto te janiktuni ja yatin
yukan ja ndekú Yuu-nuya'nda nû iyó tu'un
ja kua'a ido te nika'an ti nelu nixa'an ti, ti
chikua:

—Yukan jandekú yuu nû ki'in ndo te
xeni-íní ni ja kudiin ndo kuenda ja du'a
kadi ndo ido te dakué'é ni ja so'o ki'in no
du'a chixin te kandee kandee kanduu no te

veta chi xika nikyun de ja kundia'a de
naikuu ja niya'a ni date ja kata-ini ni de
ñu'u-íní ni te axini ni naikuu ja nita'an mee
de tuku ja dukan kana' de nde vetin.

Te ninkoo ti in ti xe'e yutun yukan te
ninakani ti in ti iin ka ja niya'a ti ja dukan
niküdiin ti.



Te nikā'an ti chikua:


—Axini da ko ore ja ninkoo da xe'e
yutun yukan nikoo iin ja nidayu'u ña'a da
ko akutuni ndē ndekú xi; kua'án mee ní te
kundia'a ní nodi kudana te adaña kuu' tê
iyo.

Te ore ja kua'an nelu ja kundia'a ti
naikuu ja yá'a te ore ni daa nidaya'a
chikua yuu ve'e chindaka te anikee ti ja
tuu ti nelu te va'a ka nixeni-ini chikua te
nika'an ti:

—Nda'vi de ja dukan kata-ini ni de te
va'a ka nanakani ni naikuu ja niya'q note
akandeka ña'a ka de ki'in yuku inka ka

kene no nde diki yuu ko doja kundetu no
lu'a kuenda ja nakaka ni note kuido ña'a
ido te kana no tenó du'a vakene xi te
nchu'u nadakaduu tenó du'a vakuun xi
kuenda ja nakundeku tu'a iin kaa ndo.


—Va'a ni tenó dukan dakué'é ní
—nika'an ti chikua te ninkoo ti iin xe'e
nuyaa nineni ja kuxee ñerru ti ko nidana
anixeni-ini ti ja yukan nakoo ido niní ti ja



ndatú'un ina te ore ja ninkoo ti chikua xe'e
yutun, nika'an ido:

—Va'a ja yukan ninkatuu de chi navii
te kini de naikuu ja kada ni de nakuenda
yo tindi de ja kaxi ña'a de.

Na'i na'i nixiko-nduu ido du'a nuu
nakoo ina chi ore ja niya'a ti yukan nixini
ti ja jata yutun yukan nakoo chindaka te
xian kuu' ja nchidó ti yuu kua'an te ore ja



Te nidakixi xi diki ti iin ja kada ti
ñerru ti chi axini ti ja niya'a ndi'i ti yukan
te xian kuu' ja du'a xeni-íní ti te nika'an ti:

—Navii te kini de ja ya'a de nakuenda
ja doni nané'e ña'a de.


Ko ore ja nixee ti nelu nixa'an ti:

—Naikuu tá'vi no nikoo nde vetin ja
dukan iyo kana' no nikúú.



vendu li'i te nde sukan nit̄ava ña'a xi te
nik̄un ti diki ti chikee te nda'yí ti ja ku-ú'u
ti te niteku ti chikua ja kana' nelu te
nika'an ti:

—Naikuu ja kuu' joon kana' tu de
tuku, kudana te do ja nichitu de date doni
nané'e ña'a de, va.



nik̄uyatin ti ve'e chindaka nixe'e yuu ti xi
te ore daa nik̄enekoyo maa chindaka
nduku' ti ndē ndekú ja dukan nixede te
nik̄utuni ina nakoo ti xe'e yutun te nixe'en
chindaka nit̄uu ña'a ti te nika'an ina:

—Naikuu ja nit̄uu ña'a ni ja iyo xetú.
Te xendéé ti ko ore-ni daa nit̄uu ña'a
uu ka xi xe'e do'o ti te nika'an ti:

—Naikuu xi ja dukan iyo u'u kani' xi
te akutuni xi.



Te nixiko-nuu ti du'a jata ti te ore daa
nixini ti ido ja xinu' xi nida'vi xi chiko'ndo
ko me'e-ni ore daa nikani ña'a ni tuku inka
ka xi te nikana ti:

—Uu-pale, uu-pale kani' ña'a
chindaka ni vee, te anixini ni ndê kua'an
ido.

Te niteku ti nelu ja dukan kana' ñerru
ti te kudií-ini ti chi xeni-íní ti ja vaxi ido nû



ndekú ti te ndekú tu'a ti tenó ndê kuu' nû
kixiò xi ko navii ni iin te kana' na'i ti
chikua nde chixin te xian kuu' ja nika'an
nelu:

—Nakee ni va'a ka, anche-yu ja
nkunene ni vendu chi na kuu' tu ja iyo u'u
kana' tu de kuxe'nu.

Te xee nikènekunu ti kunkee ti ko
amaa-yu nikèe ti te ninkunène xe'e ti

